



ГОВЬСУМБЭР АЙМГИЙН
ИРГЭДИЙН ТӨЛӨӨЛӨГЧДИЙН ХУРЛЫН
ТЭРГҮҮЛЭГЧДИЙН ТОГТООЛ

2016 оны 12 сарын 02 өдөр

Дугаар 70


Чойр

Г Эрүүл мэндийг хөгжүүлэх дэд хөтөлбөр
батлах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 18 дугаар зүйлийн 18.1.2 “а”, “ж”, 25 дугаар зүйлийн 25.1, 25.4, Хөгжлийн бодлого, төлөвлөлтийн тухай хуулийн 15 дугаар зүйлийн 15.2, 15.6, Эрүүл мэндийн тухай хуулийн 10 дугаар зүйлийн 10.1.3, Захиргааны өрөнхий хуулийн 43 дугаар зүйлийн 43.1, 43.2 дахь заалтуудыг тус тус үндэслэн ТОГТООХ нь:

1. Аймгийн эрүүл мэндийг хөгжүүлэх дэд хөтөлбөрийг нэгдүгээр хавсралтаар, хөтөлбөрийг хэрэгжүүлэх арга хэмжээний төлөвлөгөөг хоёрдугаар хавсралтаар тус тус баталсугай.
2. Хөтөлбөрт тусгагдсан зорилт, арга хэмжээг хэрэгжүүлэхэд шаардлагатай хөрөнгийг улсын болон орон нутгийн хөгжлийн сангийн төсөвт тусган санхүүжүүлж, аймгийн иргэдийн Төлөөлөгчдийн Хурлын Тэргүүлэгчдэд жил бүр тайлагнаж байхыг аймгийн Засаг дарга /Г.Батсуурь/-д даалгасугай.
3. Дээрх хөтөлбөр батлагдсантай холбогдуулан аймгийн Иргэдийн Төлөөлөгчдийн Хурлын Тэргүүлэгчдийн 2013 оны 11 дүгээр сарын 27-ны өдрийн 66 дугаар тогтоолыг хүчингүй болсонд тооцсугай.





ЭРҮҮЛ МЭНДИЙГ ХӨГЖҮҮЛЭХ ДЭД ХӨТӨЛБӨР

Нэг. Ерөнхий мэдээлэл

Говьсүмбэр аймгийн Засаг даргын 2016-2020 онд хэрэгжүүлэх үйл ажиллагааны хөтөлбөр, аймгийн Хөгжлийн цогц бодлогын хоёрдугаар үе шат эхэлж байгаатай холбогдуулан эрүүл мэндийг хөгжүүлэх дэд хөтөлбөрийг шинэчлэх шаардлага байна.

Эрүүл мэндийн тусламж үйлчилгээнд хамрагдаж чадахгүй байгаа, орхигдож үлдэх эсвэл үр шимийг нь бага хүртэх эрсдэлтэй хүн амын дэд бүлэг буюу ажилгүй, ахмад настан, хөгжлийн бэрхшээлтэй иргэд, оюутан, малчдад үзүүлэх тусламж, үйлчилгээний чанар хүртээмжийг нэмэгдүүлэхээр бодлогын баримт бичигт туссан зорилтуудыг Дэлхийн эрүүл мэндийн байгууллагаас гаргасан зөвлөмжтэй уялдуулан тодорхойлов.

Эрүүл мэндийн цогц үйлчилгээнд бүх нийтийг хамруулах, хэрэгцээг жигд хангаж, нөлөөлөх хүчин зүйлийг арилгах, салбар дундын хамтын ажиллагааг сайжруулж, орон нутгийн эрүүл мэндийн тогтолцоог бэхжүүлэх үйл ажиллагааны хүрээнд хэнийг ч орхигдуулахгүй байх зарчимд тулгуурлан эрүүл мэндийг хөгжүүлэх дэд хөтөлбөрийг боловсрууллаа.

Нэг. Өнөөгийн байдал

Сүүлийн жилүүдэд дэд бүтэц хөгжиж, хүн амын тоо өсч, эрүүл мэндийн тусламж үйлчилгээний хэрэгцээ шаардлага нь нэмэгдэж, халдварт болон халдварт бус өвчлөл, нас баралт ихэсч байгаа нь яаралтай тусламжийг цаг алдалгүй зөв зохион байгуулах, оношлогоо эмчилгээнд дэвшилтэт технологийг нэвтрүүлэх, мэргэшсэн хүний нөөцөөр хангагдах шаардлага тулгарч байна.

Нийгмийн эрүүл мэндийн талаар төрөөс баримтлах бодлого эрүүл мэндийн үндэсний хөтөлбөр, стратегиудын хүрээнд хүн амд эрүүл зан үйл төлөвшүүлэх, зонхилон тохиолдох халдварт болон халдварт бус өвчинөөс сэргийлэх мэдээлэл, сургалт, сурталчилгааг тасралтгүй зохион байгуулж, сүүлийн 3 жилд 17248 иргэнийг хамруулсан хэдий ч энэ нь хүн амын эрүүл мэндийн боловсролыг дээшлүүлж чанартай сургалт сурталчилгаа хүргэсэн гэж үзэх үндэслэл болохгүй юм.

Хүн амын дунд зонхилон тохиолдож буй өвчний эрсдэлт хүчин зүйлийг бууруулахад гэр бүл, хамт олон, хувь хүний эрүүл аж төрөх арга барилыг өөрчлөх энэ ажилд байгууллага, орон нутгийн өөрийн нотолгоонд суурилсан бодлого, арга хэмжээг

явуулах оролцоог сайжруулах, хүн амд хүрч ажиллах нийгмийн эрүүл мэндийн үйл ажиллагаа чухал байна.

Хүн амын дунд зонхилон тохиолдох халдварт бус өвчнийг эрт илрүүлэх арга хэмжээний хүрээнд arterийн гипертенз, чихрийн шижин, хөх, умайн хүзүү, элэгний хорт хавдрын эрт илрүүлэх үзлэгийг тогтмолжуулж бүртгэл мэдээлэл сайжирсан боловч зорилтот бүлгийн хүн амын хамрагдалт болон эрүүлжүүлэлтийн хувь хангалттай түвшинд хүрээгүй.

Үндсэн нарийн мэргэжлийн болон төрөлжсөн мэргэжил эзэмшсэн эмч, эмнэлгийн мэргэжилтний тоо жил тутам 2-3-аар нэмэгдэж, одоогийн байдлаар 26%-ийг эзэлж байна.

Нийгмийн эрүүл мэндийн мэргэжилтний тоо цөөн, гэмтэл согог засал, нярай, эрэгтэйчүүд, хоол судлаач, өрхийн анагаах ухаан, эрүү нүүрний мэргэжлийн эмчийн хүрэлцээ дутагдалтай.

Эмч, эмнэлгийн мэргэжилтний ажлын ачаалал их, үйлчлүүлэгч тэдний ар гэрийнхэнд зөвлөгөө өгөх чадвар хангалтгүй, ажиллах таатай нөхцөл бүрдээгүй зэргээс үйлчлүүлэгчтэй харилцах харилцаанаас ажлын доголдол гаргах, харилцааны үл ойлголцол үүсч байна.

Эмч, эмнэлгийн мэргэжилтний эрдэм шинжилгээ судалгааны чадавхийг дээшлүүлэх, хүн амын дунд зонхилон тохиолдох өвчлөл, эндэгдлийн шалтгаан нөхцлийн судалгаа дүгнэлт хийх зайлшгүй шаардлагатай байна.

Хоёр. Хөтөлбөрийн зорилго, зорилт

Зорилго: Хэнийг ч орхигдуулахгүйгээр шинэ санаа, дэвшилтэт технологид сууриссан чанартай, аюулгүй тусламж үйлчилгээг тасралтгүй, чирэгдэлгүй үзүүлэх нөхцлийг бүрдүүлэхэд оршино.

Зорилт.1. Эрүүл мэндийн урьдчилан сэргийлэх үйлчилгээний чанар хүртээмжийг сайжруулж, үйлчлүүлэгчдийн сэтгэл ханамжийг дээшлүүлэх

Зорилт.2. Эмч, мэргэжилтэн, ажилчдын ёс зүй, харилцааны соёл, мэдлэг ур чадварыг сайжруулж, мэргэшүүлэх

Хэрэгжүүлэх хугацаа: Хөтөлбөрийг аймгийн Засаг даргын үйл ажиллагааны хөтөлбөртэй уялдуулан 2016-2020 онд хэрэгжүүлнэ.

Гурав. Хөтөлбөрийг хэрэгжүүлэх үе шат, үйл ажиллагаа

Зорилт.1. Эрүүл мэндийн урьдчилан сэргийлэх үйлчилгээний чанар хүртээмжийг сайжруулж, үйлчлүүлэгчдийн сэтгэл ханамжийг дээшлүүлэх

Хэрэгжүүлэх үйл ажиллагаа:

1.1 . Хүн амд эрүүл аж төрөх ёсны мэдлэг, дадал төлөвшүүлэхэд чиглэсэн албан бус болон зайны сургалтын хөтөлбөр, арга аргачлал, зөвлөмж боловсруулан хэрэгжүүлэх;

1.2. Урьдчилан сэргийлэлт, эрт илрүүлгийн үзлэг шинжилгээний үр дүнг сайжруулах;

1.3 .Эмнэлгийн тусlamж үйлчилгээнд шинэ санаа арга технологийг нэвтрүүлж нутагшуулах.

Зорилт.2. Эмч, мэргэжилтэн, ажилчдын ёс зүй, харилцааны соёл, мэдлэг ур чадварыг сайжруулж, мэргэшүүлэх

Хэрэгжүүлэх үйл ажиллагаа:

2.1. Төрийн болон төрийн бус байгууллага, иргэдтэй хамтран эмч эмнэлгийн мэргэжилтэн, ажилчдын ёс зүй, харьцаа хандлага, эмнэлгийн тусlamж үйлчилгээний асуудлыг шийдвэрлэж, хариуцлага тооцох;

2.2. Эмч, эмнэлгийн мэргэжилтний харилцаа, хандлага, ёс зүйг төлөвшүүлэх;

2.3. Эмч, эмнэлгийн мэргэжилтний мэдлэг, ур чадварыг дээшлүүлэх.

Дөрөв. Үр нөлөө, бүтээгдэхүүн, шалгуур үзүүлэлт

Зорилт.1. Эрүүл мэндийн урьдчилан сэргийлэх үйлчилгээний чанар хүртээмжийг сайжруулж, үйлчлүүлэгчдийн сэтгэл ханамжийг дээшлүүлэх

Үр нөлөө:

1.1. Бүх нийтийн эрүүл мэндийн боловсрол дээшилсэн байна.

1.2. Зорилтот бүлгийн хүн амын эрт илрүүлэг үзлэгийн хувийг нэмэгдүүлсэн байна.

3.1. Эрүүл мэндийн байгууллагуудад шинэ санаа нэвтрүүлж, үйлчилгээний чанар дээшилнэ.

Зорилт.2. Эмч, мэргэжилтэн, ажилчдын ёс зүй, харилцааны соёл, мэдлэг ур чадварыг сайжруулж, мэргэшүүлэх

Үр нөлөө:

2.1. Эмч, эмнэлгийн мэргэжилтний ёс зүй харилцаа, хандлага, хариуцлага дээшилсэн байна.

2.2. Иргэд, үйлчлүүлэгчдийн сэтгэл ханамж сайжирна.

3.2. Эмч, эмнэлгийн мэргэжилтний мэдлэг дээшилж, зөвлөгөө өгөх ур чадвар сайжирна.

Шалгуур үзүүлэлт:

№	Шалгуур үзүүлэлт	Суурь түвшин 2015 он	Хүрэх түвшин			
			2017 он	2018 он	2019 он	2020 он
1	Бүх нийтийн эрүүл мэндийн боловсролд хамрагдсан хувь	35.2	37	39	42	45
2	Зорилтот бүлгийн хүн амын халдварт бус өвчний эрт илрүүлэг үзлэгийн эзлэх хувь	23.3	45.6	56	67.6	78.4

3	Тусламж үйлчилгээнд шинэ санаа, арга барил нэвтрүүлсэн тоо	3	5	7	9	11
4	Халдварт өвчин 10 000 хүн амд	115	Улс аймгийн дундажаас доогуур			
5	Дархлаажуулалтын хамралтын хувь	99.5	99.6	99.7	99.8	99.8
6	Ёс зүй харьцаа хандлага, тусламж үйлчилгээтэй холбоотой өргөдөл гомдлын тоо	5	4	3	2	0
7	Үйлчлүүлэгчийн сэтгэл ханамжийн хувь	50	60	70	80	90
8	Нэн шаардлагатай үндсэн нарийн мэргэжил болон төрөлжсөн мэргэжил олгох, дээшлүүлэх сургалтанд хамрагдсан эмч, мэргэжилтнүүдийн тоо	0	1	1	1	3
9	Өндөр хөгжилтэй оронд болон улсын төрөлжсөн мэргэжлийн төв эмнэлэгт ажлын байрны сургалтанд хамрагдсан мэргэжлийн багийн тоо	0	1	1	1	3

Тав. Хөтөлбөрийн үйл ажиллагаанд шаардагдах хөрөнгийн хэмжээ, санхүүжилтийн эх үүсвэр

5.1. Хөтөлбөрийг хэрэгжүүлэх үйл ажиллагааны төлөвлөгөөг жил бүр аймгийн Засаг даргаар батлуулан, хэрэгжилтийг хангаж ажиллах, шаардлагатай төсвийг аймгийн орон нутгийн хөгжлийн сангаар хэрэгжүүлэх төсөл, хөтөлбөр, арга хэмжээнд тусгана.

5.2. Улсын төсвийн хөрөнгө оруулалт, гадаад, дотоод, олон улсын төсөл хөтөлбөрийн хөрөнгө оруулалтаар уг хөтөлбөрийн арга хэмжээг санхүүжүүлэхийг дэмжинэ.

Зургаа. Хөтөлбөрийн хэрэгжилтийн хяналт-шинжилгээ, үнэлгээний төлөвлөгөө

6.1. Аймгийн Засаг даргын Тамгын газар, Нийгмийн бодлогын хэлтэс нь хөтөлбөрийн үйл ажиллагааны чиглэл, зорилго, зорилтуудыг хэрэгжүүлэхэд удирдлагаар хангах, дүн шинжилгээ хийх, Хяналт, шинжилгээ үнэлгээ, дотоод аудитын хэлтэс нь хяналт тавих чиг үүргийг хэрэгжүүлнэ.

6.2. Хөтөлбөрийн хэрэгжилтийг аймгийн Эрүүл мэндийн газар, сумдын Засаг даргын Тамгын газар хамтран зохион байгуулж, хагас, бүтэн жилээр үр дүнг аймгийн Засаг даргын Тамгын газарт тайлагнана.

6.3. Аймгийн Засаг даргын Тамгын газрын Нийгмийн бодлогын хэлтэс, Хяналт, шинжилгээ үнэлгээ, дотоод аудитын хэлтэс, Эрүүл мэндийн газар нь жил бүр хөтөлбөрийн хэрэгжилтэд хяналт, шинжилгээ үнэлгээ хийж, жилийн эцэст үр дүнг аймгийн Иргэдийн Төлөөлөгчдийн Хуралд тайлагнаж ажиллана.

Аймгийн Иргэдийн Төлөөлөгчдийн Хурлын
Тэргүүлэгчдийн 2016 оны 70 дугаар
тогтоолын 01 дугаар хавсралт



**ЭРҮҮЛ МЭНДИЙГ ХӨГЖҮҮЛЭХ ДЭД ХӨТӨЛБӨРИЙГ ХЭРЭГЖҮҮЛЭХ
ҮЙЛ АЖИЛЛАГААНЫ ТӨЛӨВЛӨГӨӨ**

№	Үйл ажиллагаа	Арга хэмжээ	Хэрэгжүүлэх хугацаа	Шалгуур үзүүлэлт	Хүрэх түвшин	Санхүүжилт сая.төг	Хариуцах байгууллага
Зорилт.1 Эрүүл мэндийн урьдчилан сэргийлэх үйлчилгээний чанар хүртээмжийг сайжруулж, үйлчлүүлэгчдийн сэтгэл ханамжийг дээшлүүлэх.							
1	Урьдчилан сэргийлэлт, эрт илрүүлэг үзлэг шинжилгээний үр дүн, үр нөлөөг сайжруулах	Хүн амын эрүүл аж төрөх ёсны мэдлэг, дадал төлөвшүүлэхэд чиглэсэн албан бус болон зайны сургалтын хөтөлбөр, арга аргачлал, зөвлөмж боловсруулан хэрэгжүүлэх.	2017-2020	Бүх нийтийн эрүүл мэндийн боловсрол дээшилсэн байна.	100 хувь	ОНХС 5,0	ЭМГ
		Зонхилон тохиолдох В, С вирус, сүрьеэ, БЗДХ/ХДХВ-ын халдварт, элэг, уушиг, ходоод, хөх, умайн хүзүүний хавдрыг эрт илрүүлэх үзлэгийг зохион байгуулж, эрт илрүүлгийн хувийг нэмэгдүүлнэ.	2017-2020	В, С вирус, сүрьеэ, БЗДХ/ХДХВ-ын халдварт, элэг, уушиг, ходоод, хөх, умайн хүзүүний хавдрыг эрт илрүүлэх үзлэгийг зохион байгуулж, эрт илрүүлгийн хувийг нэмэгдүүлнэ.	100 хувь	ОНХС 6,0	ЭМГ, НЭ, Сум өрхийн эрүүл мэндийн төв

2	Эрүүл мэндийн байгууллагуудад шинэ санаа, арга барилыг нэвтрүүлж нутагшуулах ажлыг зохион байгуулах	Эмнэлгийн тусlamж үйлчилгээнд шинэ санаа, арга барилыг нэвтрүүлж нутагшуулах	2017-2020	Жилд 2-оос доошгүй шинэ санааг нэвтрүүлж үр дүнг тооцсон байна. Үнэлгээний тайлан гарсан байна	100 хувь	ОНХС 4.0 Төсөл хөтөлбөр	ЭМГ
	Дүн						ОНХС 15.0 сая

Зорилт.2 Эмч, мэргэжилтэн, ажилчдын ёс зүй, харилцааны соёл, мэдлэг ур чадварыг сайжруулж, мэргэшүүлэх.

3	Эмч, эмнэлгийн мэргэжилтэн, эрүүл мэндийн ажилтны ёс зүй, харилцааны соёл, зөвлөгөө өгөх чадавхийг дээшлүүлэх	Эмнэлгийн мэргэжилтний ёс зүйн асуудлаар иргэд, эмнэлгийн мэргэжилтэн, олон нийтийн төлөөллийг оролцуулан Форум зохион байгуулах	2017-2019	Ёс зүйн талаар ард иргэдийн ойлголт сайжирч, иргэд-эмнэлгийн мэргэжилтний бие биенээ хүндэтгэх хүндэтгэл нэмэгдэнэ. Форумаас гарсан уриа, хэлцэл Сэтгэл ханамжийн судалгаа	100 хувь	УТХО ОНХС 1.0 Төсөл хөтөлбөр	Аймгийн ЗДТГ ЭМГ
		Эмнэлгийн мэргэжилтний ёс зүй, харилцааны сургалтыг үе шаттайгаар зохион байгуулах	2017-2020	Эмч, эмнэлгийн мэргэжилтний ёс зүй, харилцааны соёл дээшилнэ. Үйлчлүүлэгчийн сэтгэл ханамж, үйлчилгээний соёл дээшилнэ. Ажлын гүйцэтгэлийн шалгуур үзүүлэлт Үр дүнгийн тайлан	100 хувь	ОНХС 2.0 Төсөл хөтөлбөр	ЭМГ

		Нэн шаардлагатай үндсэн нарийн мэргэжлийн болон төрөлжсэн мэргэжил олгох, дээшлүүлэх сургалтаар эмч мэргэжилтнүүдийг сургаж чадавхижуулах	2017-2020	Төрөлжсөн болон мэргэшсэн эмч эмнэлгийн мэргэжилтнүүдийн тоо Сэлгэн ажиллуулсан эмнэлгийн мэргэжилтний тоо	100 хувь	ОНХС 8.0 Төсөл хөтөлбөр	ЭМГ, НЭ, Сүм өрхийн эрүүл мэндийн төв	
4	Эмч, эмнэлгийн мэргэжилтний мэдлэг, чадварыг дээшлүүлэх ур	Эмч, мэргэжилтнүүдийг өндөр хөгжилтэй орон, улсын төрөлжсөн төв эмнэлгүүдэд сургах, туршилага судлуулах, сэлгэн ажиллуулах үйл ажиллагааг үе шаттай зохион байгуулах	2017-2020	Өндөр хөгжилтэй орны туршилагаас суралцан, мэдлэг хуримтлуулан түгээсэн байна. Сэлгэн ажиллуулсан эмнэлгийн мэргэжилтний тоо Туршилага судалсан, суралцсан хүний тоо Мэдлэг түгээсэн тоо	100 хувь	ОНХС 10.0	ЭМГ	
		Хүн амын дунд зонхилон тохиолдож буй өвчлөл, эндэгдлийн талаар судалгааны ажлууд хийх	2017-2020	Эрдэм шинжилгээний бага хурал зохион байгуулж хэлэлцүүлэх, тайлагнах Хэлэлцүүлсэн бүтээлийн тоо	100 хувь	ОНХС 4.0	ЭМГ	
Дүн					ОНХС 25.0 сая			
Нийт дүн					ОНХС 40.0 сая			